


ZAVOD ZDRAVSTVENOG OSIGURANJA KANTONA SARAJEVO

**UPUTSTVO O NAČINU I POSTUPKU OSTVARIVANJA PRAVA NA KORIŠTENJE
MEDICINSKIH SREDSTAVA U ZAVODU ZDRAVSTVENOG OSIGURANJA KANTONA
SARAJEVO**

Novembar, 2022. godina.



U skladu sa Uredbom o obimu, uslovima i načinu ostvarivanja prava osiguranih lica Kantona Sarajevo na medicinska sredstva ("Službene novine Kantona Sarajevo", br. 22/20, 30/21), Listom medicinskih sredstava sa šifranikom, načinom propisivanja, odobravanja i korištenja (u daljem tekstu Lista) Direktor donosi:

UPUTSTVO O NAČINU I POSTUPKU OSTVARIVANJA PRAVA NA KORIŠTENJE MEDICINSKIH SREDSTAVA U ZAVODU ZDRAVSTVENOG OSIGURANJA KANTONA SARAJEVO

DIO PRVI – OSNOVNE ODREDBE

Član 1.

- (1) Ovim Uputstvom utvrđuje se način i postupak ostvarivanja prava osiguranih lica na korištenje medicinskih sredstava, određuju se osobe koje su ovlaštene da unutar Zavoda zdravstvenog osiguranja Kantona Sarajevo odobravaju medicinsko sredstvo, a sve u skladu sa Uredbom o obimu, uslovima i načinu ostvarivanja prava osiguranih lica Kantona Sarajevo na medicinska sredstva - prvo i svako naredno utvrđivanje prava.

DIO DRUGI – POSTUPAK UTVRĐIVANJA PRAVA NA KORIŠTENJE MEDICINSKIH SREDSTAVA

Član 2.


- (1) Ovlaštteni ljekar određene grane specijalnosti, na osnovu medicinske indikacije, osiguranom licu daje prijedlog za korištenje odgovarajućeg medicinskog sredstva sa Liste utvrđene ovom uredbom izdavanjem propisanog obrasca (potvrda o potrebi medicinskog sredstva) koji obezbjeđuje Zavod i to:
- Medicinska sredstva iz člana 32. tačka 1 A,C,E, F- 1,2,3,4,5 propisuju se na obrascu ZP-6.1/20,
 - Medicinska sredstva iz člana 32. tačka 1 D propisuju se na obrascu ZP-6.2/20,
 - Medicinska sredstva iz člana 32. tačka 1 B i F-6 propisuju se na obrascu ZP-6.3/20,
- (2) Izuzetno, za RVI kojima je članom 8. Odluke o proširenom obimu prava za korištenje ortopedskih pomagala, lijekova, medicinsko-sanitetskih sprava i materijala za ratne vojne invalide sa područja Kantona Sarajevo (SL. Novine Kantona Sarajevo 13/04, 11/06, 16/11 i 38/18) utvrđen prošireni obim prava na korištenje pomagala utvrđenih uredbom, ovlaštteni ljekar daje prijedlog na obrascu RVIO-04/20.

Član 3.

Prijedlog ovlaštenog ljekara za aparat za samokontrolu šećera u krvi i trake (član 54. Uredbe) izdaje se samo prilikom prvog podnošenja zahtjeva osiguranog lica na utvrđivanje prava na predmetna sredstva.

Član 4.

- (1) Osigurano lice kojem je ovlaštteni ljekar dao prijedlog za korištenje odgovarajućeg sredstva na propisanom obrascu, zahtjev za utvrđivanje prava podnosi u Poslovnici Zavoda zdravstvenog osiguranja.

- 
- (2) Uz zahtjev se obavezno prilažu slijedeći dokumenti:
- a. Zdravstvena legitimacija osiguranog lica (kopija);
 - b. Medicinska dokumentacija (otpusno pismo, nalaz i mišljenje ljekara specijaliste ako se radi o ambulantnom liječenju (kopija);
 - c. Propisani Obrazac (kopija).

Član 5.

- (1) Po prijemu zahtjeva referent zdravstvenog osiguranja utvrđuje slijedeće činjenice:
- a. svojstvo osiguranog lica;
 - b. da li osigurano lice ima pravo na medicinsko sredstvo u skladu sa odredbama Uredbe i Zakona o zdravstvenom osiguranju (Sl. Novine Federacije BiH br. 30/97, 7/02, 70/08 i 48/11 i 36/18);
 - c. da li je potvrda o potrebi medicinskog sredstva data na utvrđenom obrascu;
 - d. da li je potvrdu o potrebi medicinskog sredstva izdao doktor medicine specijalista odgovarajuće grane medicine, ovlašten od strane Zavoda za propisivanje predmetnog sredstva;
 - e. da li je potvrda pravilno popunjena odnosno da li sadrži sve potrebne podatke;
 - f. da li je osigurano lice predalo potvrdu o potrebi medicinskog sredstva na ovjeru u roku od 30 dana od dana izdavanja.

Član 6.

- (1) Kada referent utvrdi da je prijedlog izdat u skladu sa odredbama iz člana 5. ovoga Uputstva, a u slučajevima kada se pravo utvrđuje prvi put, zahtjev osiguranog lica u skladu sa članom 4. stav 2. Uputstva, se obavezno prosljeđuje stručnom medicinskom licu Zavoda, koji je dužan u roku od osam dana dati mišljenje na isti. Izuzetno, referent zdravstvenog osiguranja može odmah po prijemu i kontroli zahtjeva izvršiti ovjeru prijedloga u slučajevima navedenim u trećem dijelu ovog uputstva.
- (2) U slučaju da je stručno medicinsko lice Zavoda utvrdilo pravo osiguranog lica na traženo pomagalo, prijedlog ovjerava Referent zdravstvenog osiguranja, a kontrolu ovjere vrši voditelj poslovnice.
- (3) Upute o preuzimanju medicinskih sredstava referent zdravstvenog osiguranja daje osiguranom licu prilikom ovjere prijedloga za to sredstvo.
- (4) U slučaju da je stručno medicinsko lice Zavoda utvrdilo da osiguranik nema pravo na traženo pomagalo, referent zdravstvenog osiguranja obavještava osigurano lice o razlozima odbijanja, a na pismeni zahtjev osiguranog lica se može izdati i rješenje.

Član 7.

Ukoliko je osiguranom licu ovlašteni ljekar utvrdio postojanje specifičnih medicinskih indikacija, iz kojeg razloga mu je dat prijedlog za medicinsko sredstvo, koje nije utvrđeno Uredbom, osigurano lice može podnijeti zahtjev za utvrđivanje prava na protokol Zavoda prema članu 7. Uredbe.

Član 8.

O svim podacima u vezi s odobrenim medicinskim sredstvima u Službi za medicinske poslove se vodi evidencija u informacionom sistemu Zavoda (ErcM1), u koju se također unosi i podatak o osporenom pravu na medicinsko sredstvo uz obaveznu naznaku razloga neodobravanja medicinskih sredstava.

DIO TREĆI – UTVRĐIVANJE PRAVA NA MEDICINSKO SREDSTVO

A ORTOPEDSKA SREDSTVA

Član 9.

(Protetička sredstva)

- (1) Protetička sredstva od tačke 1.1. do tačke 1.2. Liste odobrava stručno medicinsko lice Zavoda kod prvog utvrđivanja prava, a referent zdravstvenog osiguranja kod narednog utvrđivanja prava.
- (2) Izuzetno pod tačkom 1.1. i tačkom 1.2. Liste stručno medicinsko lice Zavoda vrši prvo utvrđivanje prava i svako naredno nakon 65 godina starosti osiguranika.
- (3) Protetička sredstva pod tačkom 1.3. i tačkom 1.5. Liste odobrava Komisija na osnovu medicinskih indikacije i preporuke ovlaštenih ljekara.
- (4) Protetička sredstva pod tačkom 1.4. Liste odobrava komisija Zavoda kod prvog utvrđivanja prava nakon izrade novog pomagala, a referent zdravstvenog osiguranja kod narednog utvrđivanja prava.

Član 10.

(Ortotska sredstva-ortoze)

- (1) Ortotska sredstva – ortoze pod tačkom 2.1., 2.2. i 2.3. Liste odobrava stručno medicinsko lice Zavoda.

Član 11.

(Ortopedske cipele i ortopedski ulošci izrađeni po mjeri)

- (1) Ortopedske cipele i ortopedske uloške izrađene po mjeri pod tačkom 3. Liste odobrava stručno medicinsko lice Zavoda

Član 12.

(Invalidska kolica)

- (1) Invalidska kolica pod tačkom 4. Liste odobrava stručno medicinsko lice Zavoda
- (2) Dodatke na invalidska kolica pod tačkom 4.1. Liste odobrava stručno medicinsko lice Zavoda.
- (3) Dijelove za invalidska kolica pod tačkom 4.2. odobrava stručno medicinsko lice Zavoda

Član 13.

(Pomoćna sredstva za olakšanje kretanja)

- (1) Pomoćna sredstva za olakšanje kretanja pod tačkom 5. Liste odobrava stručno medicinsko lice Zavoda kod prvog utvrđivanja prava, a referent zdravstvenog osiguranja kod narednog utvrđivanja prava.

Član 14.

(Antidekubitalni dušek)

- (1) Antidekubitalni dušek pod tačkom 6. Liste odobrava stručno medicinsko lice Zavoda.

Član 15.
(Sanitarna medicinska sredstva)

(1) Sanitarna medicinska sredstva pod tačkom 7. Liste odobrava stručno medicinsko lice Zavoda.

B OČNA I TIFLOTEHNIČKA SREDSTVA

Član 16.
(Očna medicinska sredstva)

(1) Očna medicinska sredstva pod tačkom 1. Liste odobrava referent zdravstvenog osiguranja.

Član 17.
(Tiflotehnička medicinska sredstva)

- (1) Tiflotehnička medicinska sredstva pod tačkom 2.1., 2.4. i 2.5. Liste odobrava referent zdravstvenog osiguranja.
(2) Tiflotehnička medicinska sredstva pod tačkama 2.2., 2.3., 2.6., 2.7. i 2.8. Liste odobrava stručno medicinsko lice Zavoda.

C SLUŠNA MEDICINSKA SREDSTVA I MEDICINSKA SREDSTVA ZA OMOGUĆAVANJE GLASNOG GOVORA

Član 18.
(Slušna medicinska sredstva)

(1) Slušna medicinska sredstva pod tačkom 1. Liste odobrava stručno medicinsko lice Zavoda.

Član 19.
(Medicinska sredstva za omogućavanje glasnog govora)

(1) Medicinska sredstva za omogućavanje glasnog govora pod tačkom 2. Liste odobrava stručno medicinsko lice Zavoda.

D STOMATOLOŠKA MEDICINSKA SREDSTVA

Član 20.
(Stomatološka medicinska sredstva)

(1) Stomatološka medicinska sredstva od tačke 1. do tačke 6. Liste odobrava referent zdravstvenog osiguranja.

E OSTALA MEDICINSKA SREDSTVA

Član 21.

(Medicinska sredstva za disanje)

- (1) Medicinska sredstva za disanje pod tačkom 1. Liste odobrava stručno medicinsko lice Zavoda.

Član 22.

(Vještačka dojka i grudnjak)

- (1) Vještačku dojku i grudnjak pod tačkom 2. Liste odobrava stručno medicinsko lice Zavoda kod prvog utvrđivanja prava, a referent zdravstvenog osiguranja kod narednog utvrđivanja prava.

Član 23.

(Sredstva za gastrointestinalni i urogenitalni sistem)

- (1) Sredstva za gastrointestinalni i urogenitalni sistem pod tačkom 3. Liste odobrava stručno medicinsko lice Zavoda.

Član 24.

(Pelene i anatomske ulošci)

- (1) Pelene i anatomske uloške pod tačkom 4. Liste odobrava stručno medicinsko lice Zavoda.

Član 25.

(Sredstva kod šećerne bolesti)

- (1) Sredstva kod šećerne bolesti pod tačkama 5.1., 5.4. i 5.6., Liste odobrava referent zdravstvenog osiguranja.
- (2) Sredstva kod šećerne bolesti pod tačkama 5.3. obezbjeđuje bez naknade isporučilac za kompatibilne dijagnostičke trake za aparat.
- (3) Sredstva kod šećerne bolesti pod tačkama 5.2. i 5.8. izdaju se uz inzulin, na receptu/obrascu ili odgovarajućoj elektronskoj formi.
- (4) Sredstva kod šećerne bolesti pod tačkama 5.5. i 5.9. Liste odobrava stručno medicinsko lice Zavoda.
- (5) Sredstva kod šećerne bolesti pod tačkama 5.7. Liste, za lica u dobi do 18 godina odobrava stručno medicinsko lice Zavoda, a za lica u dobi od 18 do 26 godina na redovnom školovanju i trudnicama odluku donosi Komisija koju formira Upravni odbor Zavoda.
- (6) Sredstva kod šećerne bolesti pod tačkama 5.10., 5.11. i 5.12. Liste odobrava stručno medicinsko lice Zavoda kod prvog utvrđivanja prava, a referent zdravstvenog osiguranja kod narednog utvrđivanja prava.

Član 26.

(Zavojni materijal)

- (1) Zavojni materijal pod tačkom 6. Liste odobrava stručno medicinsko lice Zavoda.



Član 27.

(Kompresivni materijal koji se koristi kod limfedema)

- (1) Kompresivni materijal koji se koristi kod limfedema pod tačkom 7. Liste odobrava stručno medicinsko lice Zavoda.

Član 28.

(GPS narukvice za djecu)

- (1) GPS narukvice za djecu pod tačkom 8. Liste odobrava Komisija Zavoda.

Član 29.

(Perika za djecu od prirodne kose)

- (1) Periku za djecu od prirodne kose pod tačkom 9. Liste odobrava stručno medicinsko lice Zavoda.

Član 30.

(Pomagala za mjerenje protrombinskog vremena)

- (1) Pomagala za mjerenje protrombinskog vremena pod tačkom 10. Liste odobrava stručno medicinsko lice Zavoda. Za lica u dobi preko 26 godina konačnu odluku donosi Komisija iz člana.7 Uredbe u zavisnosti od raspoloživih finansijskih sredstava.

F MEDICINSKA SREDSTVA KOJA SE KORISTE PRI OPERATIVNIM ZAHVATIMA U BOLNIČKIM ZDRAVSTVENIM USTANOVAMA

Član 31.

(Endoproteze zglobova)

- (1) Endoproteze zglobova pod tačkom 1. Liste odobrava referent zdravstvenog osiguranja.

Član 32.

(Vaskularne endoproteze)

- (1) Vaskularne endoproteze pod tačkom 2. Liste odobrava referent zdravstvenog osiguranja.

Član 33.

(Elektrostimulator srca sa pripadajućom elektrodom)

- (1) Elektrostimulator srca sa pripadajućom elektrodom pod tačkom 3. Liste odobrava referent zdravstvenog osiguranja.

Član 34.
(Stapleri i mrežice)

(1) Staplere i mrežice pod tačkom 4. Liste odobrava referent zdravstvenog osiguranja.

Član 35.
(Proteze dojke i ekspander)

(1) Proteze dojke i ekspander pod tačkom 5. Liste odobrava stručno medicinsko lice Zavoda.

Član 36.
(Intraokularne leće)

(1) Intraokularne leće pod tačkom 6. Liste odobrava referent zdravstvenog osiguranja.

DIO ČETVRTI – ZAVRŠNE ODREDBE

Član 37.

Sastavni dio ovog Uputstva su tabelarni pregled pomagala sa šiframa pomagala i obrasci - potvrda o potrebi medicinskog sredstva.

Član 38.

Ovo Uputstvo stupa na snagu danom donošenja.

Donošenjem ovog Uputstva, stavlja se van snage Uputstvo o načinu i postupku ostvarivanja prava na korištenje medicinskih sredstava u Zavodu zdravstvenog osiguranja Kantona Sarajevo broj 01-08-2-15643/20 od 21.10.2020. god. i Uputstvo o izmjeni i dopuni uputstva o načinu i postupku ostvarivanja prava na korištenje medicinskih sredstava u Zavodu zdravstvenog osiguranja Kantona Sarajevo broj 01-08-2-15643-1/20 od 03.11.2021. godine.



DIREKTOR

████████████████████
████████████████████
████████████████████

Mr.sci.oec. Muamer Kosovac

Broj: 01-02-1-17390/22
Sarajevo, 10-11-2022

①